

Ugovorne strane:

HIFA-PETROL doo Sarajevo-Vogošća, kao prodavac, ul. Hotonj bb, koga zastupa direktor Ahmetlić Hajrudin (u daljem tekstu: Prodavac)

i JU ZAVOD ZA HITNU MEDICINSKU POMOĆ KANTONA SARAJEVO, kao kupac, ul. Kolodvorska 14, Sarajevo 71 000, koga zastupa direktor mr.sc.dr Adem Zalihić (u daljem tekstu : Kupac)

u Sarajevu zaključuju slijedeći

UGOVOR O NABAVCI

BENZINA BMB-95 ZA VOZILA ZAVODA

Ugovorne strane saglasno konstatiraju da se ovaj ugovor zaključuje na temelju Odluke o izboru najpovoljnije ponude za nabavku benzina za vozila Zavoda, broj: 01-32377-3/18 od 31.08.2018. godine, koja je donesena nakon provedenog Otvorenog postupka.

Član 1.

Predmet ovog ugovora je sukcesivna isporuka benzina na osnovu specifikacije iz tendera po Javnom oglasu objavljenom na Portalu javnih nabavki i Službenom glasniku BiH putem otvorenog postupka.

Član 2.

Potpisivanjem ovog ugovora Prodavac preuzima neopozivu obavezu da na svojim benzinskim pumpama, vrši isporuku benzina za službena vozila JU Zavod za hitnu medicinsku pomoć Kantona Sarajevo.

Član 3.

Vrijednost ovog ugovora je: 7.004,00 KM bez PDV-a, 8.194,68 KM sa PDV-om.

Član 4.

Prodavac se obavezuje da će isporuku benzina iz člana 2. ovog ugovora vršiti po cijenama i uslovima sadržanim u svojoj ponudi: broj JN-3721/18 od 07.08.2018. godine, koje su priložene uz ovaj ugovor i smatraju se njegovim sastavnim dijelom.

Prodavac će se pridržavati ponuđene cijene benzina, sve dok Federalno ministarstvo trgovine i druge nadležne institucije ne donesu Odluku o promjeni cijena benzina zavisno o promjeni tečaja USD i kretanja cijena naftnih derivata na svjetskom tržištu, ili

Odluke o izmjeni zakonskih propisa iz oblasti poreza, putarina i sl., kao i drugih parametara koji utiču na tržišnu cijenu benzina a važiće po cjenovniku na dan preuzimanja benzina.

Svaka promjena mora biti potvrđena validnom dokumentacijom od strane nadležnog Federalnog ministarstva trgovine.

Član 5.

Prodavac se obavezuje da će za potrebe Kupca isporuku benzina vršiti od 00-24 sata, na slijedećim adresama:

- Adema Buće bb, Buća Potok
- Zabrdje bb, Rajlovac
- Hotonj bb, Vogošća
- Rustempašina broj 38, Ilidža

Član 6.

Kupac se obavezuje da će kupljenu robu platiti u roku od 30 dana, po prijemu fakture za isporučenu robu, pod uslovom da prilikom primopredaje Kupac nema primjedbi na isporučenu robu.

Član 7.

Prodavac se obavezuje da će u slučaju nestašice benzina u svakom trenutku obezbjediti stalne rezerve benzina.

Član 8.

Prodavac se obavezuje da će svaka dva mjeseca dostavljati odgovarajuće certifikate o kvaliteti benzina, koje izdaje nadležna institucija.

Član 9.

Kupac može jednostrano raskinuti ovaj ugovor, ako utvrdi da Prodavac ugovorene obaveze obavlja suprotno preuzetim obavezama iz članova 2., 4., 5., 7. i 8. ovog ugovora. U tom slučaju Prodavac je obavezan snositi svu štetu nastalu raskidom ovog ugovora.

Član 10.

Ugovorne strane su saglasne da će sve sporove iz ovog ugovora rješavati sporazumno, a ukoliko to nije moguće nadležan je Općinski sud u Sarajevo.

Član 11.

Ovaj ugovor se zaključuje na 12 (dvanaest) mjeseci i stupa na snagu danom potpisivanja objiju strana.

Član 12.

Ugovor je sastavljen u 4 (četiri) jednaka primjerka, od kojih svaka strana zadržava po 2 (dva) primjerka.

Prodavac

HIFA-PETROL doo Sarajevo

Direktor Ahmetlić Hajrudin



HIFA-PETROL d.o.o.
Bošanj bb - Vogošća

Broj: 2492 / 18
Datum: 05.11. 2008

Kupac

JU Zavod za hitnu medicinsku pomoć KS

Direktor mr.sc.dr Adem Zalihić



JAVNA USTANOVA
ZAVOD ZA HITNU MEDICINSKU POMOĆ KS
BROJ: 33740
Datum: 02.11. 18